

DE SACRIS ARCANIS
BEATAE VIRGINIS

CONVERSIONEM AQUAE IN VINUM A FILIO SUO POSTULANTIS

IN NUPTIIS CANAE GALILAEA

LIBER UNDECIMUS

HOMILIA PRIMA.

In illa verba: Nuptiae factae sunt in Cana Galilaeae, et erat mater Iesu ibi. Vocatus est autem Iesus, etc. *variae causae traduntur ex priscorum Patrum doctrina, ob quas Christus Dominus nuptiis interesse voluerit; illam tamen latius prosequimur, quae matrimonii approbationem tangit, adversus Haereticos illud refellentes, cuius et praeterea documenta tam viris, quam uxoribus praebentur.*

Cum alienum valde sit a viris spirituali vitae addictis, et maxime sacris initiatis, prophanis nuptiis, seu nubentium conviviis interesse; unde omnibus indiscriminim (*Eccles. cap. 7*) ait: *Meius est ire ad domum luctus, quam ad domum convivi;* merito sancti Patres solliciti fuere in exquirendis rationibus, et causis, ob quas Christus Dominus, omnis perfectionis archimagister, nuptiis in Cana Galilaeae adesse non fuerit designatus. D. Aug. (*in com. hui. loc.*) eam tangit rationem, ut singularitatem fugeret; forsitan enim eo tempore moris erat, viros etiam spirituales ad nuptias invitari, ut sua modestia, et temperantia convivium luxum, ac intemperiam compescerent: verba d. Augustini haec sunt: *Quisquis rebus praetereuntibus strictus utitur, quam habeant mores eorum, cum quibus vivitur, aut intemperans, aut supersticiosus est. Sapientia autem iustitiae est a filiis suis. Itaque, quia Christus Dominus, omnibus omnia factus, ut omnes lucrificeret, voluit ex parte morem gerere his, cum quibus conversabatur, ut eos*

per familiaritatem ad se alliceret; d. Chrysostomus (*homil. 20. sup. Ioan.*) humilitatis causa factum putat, quod idem ipse non recusaverit convivio illarum nuptiarum invitatus adesse; sic enim ait: *Qui non est deliquatus formam servi accipere, longe minus serorum suorum nuptiis interesse: qui cum publicanis, et peccatoribus conversabatur, multo minus nuptiis recusasset.* D. Cyrillus (*lib. 1. in Ioan. c. 22.*) propterea existimat, inter alias causas, quas ibi adducit, Christum Dominum nuptiarum convivio adfuisse, quia sciebat, futurum esse, ut haberet occasionem insigne illud miraculum patranda conversionis aquae in vinum, quo et potentiam suam ostentaret, et miraculi virtute animos hominum ad se converteret: verba d. Cyrilli accipe: *Honestae celebritatis nuptiis tam mater, quam ipse cum discipulis invitatus, adest, miraculi potius, quod facturus erat, quam convivii gratia profectus.* Severus Antiochenus (*orat. 119.*) ut refertur in catena graecorum, viam aliam longe diversam ingressus, eam, mysticam magis, quam literalem, ut mihi videtur, rationem tradit; quod Christus Dominus propterea ad nuptias ierit, ut significaret, se de coelo in terram nuptiarum causa venisse, ut humanam naturam hypostaticae unionis indissolubili matrimonio sibi copularet. D. Hier. (*in Matth. lib. 1. c. 9.*) universaliter loquitur: *Ibat Dominus ad convivium peccatorum, ut occasionem haberet docendi, et spirituales invitatoribus suis praebere cibos.* Invitatus quidem a divo Mattheo, illum eduxit de telonio, in quo multis erat peccatorum nexibus irrelitus. In convivio Simonis Magdaleneae peccata dimisit, et invitatori magni momenti documenta tradidit. In convivio Pharisaei hydropicum sanavit, et omnibus mense assidentibus egregiam humilitatis parabolam proposuit. In convivio sororum Mariae et Mar-

thae, excellentiam vitae contemplativae supra activam luculenter docuit. Ecce, Christus convivia non recusabat, ut occasionem haberet aliquid spiritualis fructus convivii impertiendi. Quod idem manifeste colligit in convivio nuptiarum in Cana Galilaea celebrato, Ioanne dicente (*cap. 2*): *Manifestavit gloriam suam, et crediderunt in eum discipuli eius.* Ecce credulitas discipulorum fructus fuit, quem Christus Dominus ex convivio illo collegit.

Omissis tamen his omnibus rationibus, ad eam accedo, quam nulli sancti Patres docuere, et quam nos prosequi polliciti sumus. D. Cyrillus, d. Epiphanius, et d. Augustinus asserunt, consulo Christum Dominum pariter cum matre, et discipulis suis nuptiis interesse voluisse, ut sua praesentia nuptias, quas in statu innocentiae instituerat, approbaret, et Haereticorum insaniam, quos praevidebat illas impugnaturos, refelleret. D. Cyrillus (*lib. 2. in Ioan. cap. 22*) sic loquitur: *Oportebat certe, quoniam totam naturam hominis ad melius restaurabat, non solum natis iam hominibus benedicere, verum etiam nascituris gratiam praeparare, et aditum illorum ad hanc vitam auctoritate miraculi, et praesentia sua sanctum efficere.* Praeterea, in dolore paries filios ad mulierem propter peccatum, dictum fuit: *quomodo igitur aliter haec deplenda maledictio erat, ne condemnata nuptiarum sanctimonia videretur, quam Salvatoris praesentia? qui, quum sit verum gaudium primum nuptiarum, moerorem praesentia sui depulit.* D. autem Epiphanius (*haer. 7*) haec scripsit: *Eos, qui venerandas nuptias contraxerunt, Deus elegit, unumquemque enim in proprio ordine salvare solet; quomodo enim non erunt venerabiles nuptiae, et in Deo, habentes regnum caelorum, cum vocatus sit ipse Salvator ad nuptias, ut nuptias benediceret? si quidem enim, recusasset ad nuptias ingredi, profecto nuptiarum excolator fuisset; ut qui non suscipit unumquemque iuxta debilitatis ipsius veniam. Venerandae igitur sunt nuptiae, quoniam ipse illas decrevit. Quare ad nuptias accedit, ut obturet ora eorum, qui loquuntur contra veritatem.* D. autem Augustinus (*tract. 9. in Ioan.*) haec habet: *Quod venerit ad nuptias, confirmare voluit, quod ipse eas fecit: futuri enim erant, de quibus Apostolus (1. ad Timoth. 4) prohibentes nubere, et dicentes, quod malae essent nuptiae, et diabolus eas fecisset. Haereticus vero nuptias improbantibus imprimis fuere Simonis magi seclatores, dicentes, non esse opus Dei, ut tradit d. Clemens Romanus (*constitut. Apostol. lib. 9. cap. 8*). Saturninus docuit, nubere, et generare a satana esse, ut refert Irenaeus (*lib. 1. cap. 12*). Severus foeminam a satana factam, eosque qui cum foemina concuberent, satanae opus adimplere fabulabatur; atque ea de causa nuptias dissuadebat, ut tradit Nicaetas (*lib. 4. Orthod. fid. haeres. 17*). Hydroparastae, matrimonium scortationem appellant, et legitimam coniunctionem diabolicam nominant, ut auctor est Theodoretus (*l. 1. haer. fabul.*). Tatianus nuptias rejicit, eas a satana esse dicens, ut tradunt Irenaeus, et Epiphanius de Tatiano. Marcion, matrimonium, ut malum, et impudicitiae ne-*

gotium reprobatur, ut asserit Tertullianus (*lib. 1. cont. Marc.*), et Clemens Alexandrinus (*lib. 3. Stromat.*), necnon Hieronymus (*cont. Iovin.*). Michaeli damnant nuptias, ut testantur Epiphanius, August. et Theodoretus (*de illorum haeresib.*). Eustachius ita nuptias damnavit, ut diceret, nullum eorum, qui sunt in convivio, in Deo spem habere, ut tradunt concilium Gangrense, et Socrates (*l. 2. c. 33*).

Ceterum, quantum hi omnes Haeresiarum a fidei catholicae veritate aberrant, varia matrimonii endemicia, quae paucis perstringam, aperte indicabunt. In primis enim, si rem altius perpendamus, certe sacri religiosorum ordines non parum commendatur ab eorum fundatorum dignitate, et sanctitate, multo ergo magis ex hoc capite sacrum matrimonium commendari meretur; nam, si illi fundatores habuerunt antiquos patriarchas, Basilium, Benedictum, Augustinum, Dominicum, Franciscum, et alios similes magni nominis viros, matrimonium habuit principum institutorem, non creaturas, sed Creatorem, ut Christus Dominus luculenter testatus est (*Matt. 19*) dicens: *Qui fecit ab initio, masculum, et foeminam fecit eos, et dixit: propter hoc dimittet homo patrem, et matrem, et adhaerebit uxori suae, et erunt duo in carne una.* Quae verba elucidans d. Paulus (*ad Eph. 5*) aliud non contentendum matrimonii praeconium insinuat in significatione eius fundamentum habens, dum asserit: *Sacramentum hoc magnum est, ego autem dico in Christo, et in Ecclesia.* Quibus verbis significavit matrimonium primum parentum typum fuisse, et imaginem arcanorum magni momenti; laet enim in eo mysterium beatissimae Trinitatis: nam sicut Adam a nulla creatura factus, ita et pater a nullo procedit; sicut autem Eva ex costa Adam, ita et Filius de substantia Patris, et sicut Abel, non ab uno, sed a duplici parte, Adam, et Eva processit, ita Spiritus sanctus non a Patre, nec a Filio solo, sed ab utroque origine ducit. Adumbravit deinde matrimonium illud vinculum, et unionem hypostaticam humanae carnis cum persona Verbi divini, nuptias etiam divini sponsi cum Ecclesia militante per gratiam, necnon intimam coniunctionem cum animabus beatis in Ecclesia triumphanti per clarum Dei visionem. Quod, si laudem matrimonii petere placeat a statu, clare liquet eius excellentia, cum in felici statu innocentiae, in quo nondum homo peccaverat, fuerit institutum. Si ab antiquitate, manifestum est a primordio creationis mundi coepisse, atque adeo ante omnia sacramenta. Si a loco, quo Deus illud instituit, nemo ignorat, paradisum fuisse, ut sacra Genesis historia narrat; et quod mirabilis merito videri potest, et ex quo non modicum laudem matrimonium sibi conciliavit, illud certe est, quod Deus in paradiso, ut Adamum ad matrimonium contrahendum melius disponeret, immisit soporem in illum, et tulit unam de costis eius, ex qua formavit eius uxorem, ubi glossa inquit: *raptum fuisse tunc Adamum in spiritu, et interfuisse curiae coelesti, et ibi agnovisse virtutem magnam matrimonii, et cuius rei esset sacramentum: et d. Augustinus*

ignibus tradunt. Huc illud pertinet Cratis, qui, ut tradit Plutarchus (in libro de lib. educ.), si licuisset, in altissimum urbis partem conscendisset, et se inde vociferaturum fuisse aiebat: Quorsum ruitis homines, qui omne in comparandis pecuniis vestrum studium facitis, florum vero, quibus eas relinquitis, nullam sane curam suscipitis? addendum censet Plutarchus, quod hi patres non aliter faciunt, quam qui magnam calecorum sedulitatem habent, cum interim pedem ipsum percipiunt: praepostera haec cura est, etenim prius pedis, postea calecorum ratio habenda; prius de liberorum virtute, postea de corpore habenda cura. Felicitas est, filios habere bonos; infelicitas magna, haec praes.

Tertium tandem bonum matrimonium est sacramentum, quo contractus naturalis utriusque coniugis ad supernaturalium rerum ordinem elevatur ex Christi Domini institutione, in quo maxime discriminat christianorum matrimonium a matrimonio infidelium: hoc enim solum importat mutuum utriusque consensum, istud vero secum affert mysterium significationis, tum unionis hypostaticae humanae carnis cum persona Verbi divini, tum spiritualis connubii Christi cum Ecclesia, Apostolo dicente (ad Ephes. 5): Sacramentum hoc magnum est, ego autem dico in Christo, et in Ecclesia. Magnum certe vocat illud propter excellentiam rei significatae. Quod autem ibidem ait Paulus de uxore loquens: Propter hanc relinquit homo patrem, et matrem suam, et adhaererebit uxori suae, et erunt duo in carne una, manifestum est, Christum Dominum praestitisse: etenim Patrem relinquit, non quod a Patre recesserit, sed quoniam in ea forma non apparuit, quod Patri est aequalis. Reliquit Patrem, interpretatur d. Augustinus, quia exinanivit semetipsum, formam servi accipiens; reliquit vero matrem, id est, Synagoga, ex qua ortus est, eodem Augustino interprete, adhaesit autem Ecclesiae per amorem, et charitatem: et sunt duo in carne una, quia Christus humanam carnem habet, carne etiam constat Ecclesia, cuius ipse caput est. Atque hinc est, quod quemadmodum Verbum a carne Christi, nec ipse Christus ab Ecclesia unquam separatur, sic, nec vir ab uxore separari licet, matrimonio consummato, iuxta illud Pauli (ad Rom. 7): Quae sub viro est mulier, vivente viro alligata est; si autem mortuus fuerit vir eius, soluta est a lege viri. Dixi, consummato matrimonio: quia ante eius consummationem licitum est virum, et similiter uxori statum religionis approbatae assumere, et tunc per professionem, quae sublimis, et excellentissimum matrimonium genus est, praecedens matrimonium dissolvitur, ut sacrum concilium Tridentinum definiit, et sacrorum canonum statuta docent. Hinc etiam efficitur, ut, sicut Verbum, et caro, Christus, et Ecclesia ardentissimi amoris vinculo sunt coniuncti, ita uxor, et vir mutuo amore sibi invicem consentientes esse debeant. Unde Hugo Victorinus (l. 1. de Sac. par. 6. cap. 33) sapienter dixit: Facta est autem de latere viri, ut ostenderetur, quia in consortium creabatur dilectionis, non forte, si fuisset de capite

facta, praeferenda videretur viro ad dominationem, aut si de pedibus, subditenda ad ancillitatem. Quia igitur viro nec domina, nec ancilla parabat, sed socia, nec de capite, nec de pedibus, sed de latere fuerat producenda, ut iuxta se ponendam cognosceret, quam de iuxta se sumptam didicisset; hactenus ille. Antiqui, ad significandum mutuum amorem, et benevolentiam inter virum, et uxorem necessariam, proferbant in nuptiis duas faces ardentes; a quo non abhorret, quod Salomon ait (Cant. 8), dum ad significandum amorem sponsi, et sponsae ait: Lampades ignis, atque flammurarum; aquae multae non poterant extinguere charitatem. Quia tamen mutus utriusque coniugis amor honesti amoris terminos quandoque transillire solet, diligenter curandum est, ne ardens ille amor in libidinis amorem convertatur. Ut enim legitur (in cap. orig. 32. q. 4): Adulter est, in sua uxore amator ardentior, in aliena quippe omnis amor turpis est, in sua minus; sapiens ergo vir iudicio debet amare coniugem, non affectu, regendo impetus voluptatis, ne praecipit feratur in coitum. Nihil est foedius, quam uxorem amare quasi adulteram; haec ibi.

Atque ex his omnibus, quae hucusque diximus, colligo, quod cum matrimonio, non solum in quantum sacramentum, sed quatenus quidam naturalis contractus est, ad filiorum procreationem sit ordinatus, et mutuum amorem inter virum, et uxorem fovendum, multaque bona secum afferat, etiam in statu innocentiae vigeret, si Adam non peccasset: licet enim gravissimi patres, divus Hieronymus (lib. 1. ad. Iov.), divus Damascenus (lib. 2. ad. cap. 30, et lib. 4. cap. 25), divus Chrysostomus (homil. 18. in Genes.), Euthymius (in comment. hui. loc.), a statu innocentiae nuptias omnino excluderint, quos secutus Barsepha Syrus (in lib. de Parad. par. 1. cap. 23) haec verba habet: Dicimus, humanum genus fuisse tunc multiplicandum, et quidem absque concubitu: nam et angeli multi evaserunt, sed absque nuptiis. Ceterum tantorum venia, celebres alios Ecclesiae patres sequens, nulla ratione dubitari posse autumo, in statu innocentiae, si perseverasset, futuras esse nuptias, et per commixtionem maris, et foeminae filios esse progignendos: ita affirmat divus Gregorius (in Ps. 50) dicens: Primi parentes sine peccato filios ederent, si in paradiso positi in conditoris obedientia persistissent. Idem docuit divus Augustinus (lib. 9. sup. Gen. ad lit. cap. 3), d. Thomas (1. par. q. 98. art. 2), Hugo Victorinus (lib. 1. de Sac. par. 6. cap. 24), et alii. Unde communis est theologorum sententia, matrimonium ante peccatum in officium fuisse naturae, hoc est, ad gignendos liberos institutum; post peccatum vero, etiam in remedium concupiscentiae datum; quam doctrinam desumpserunt ex eodem Augustino (l. 9. in Genes. ad lit. cap. 7) dicente, quod sanis possit esse officium, sit aegrotis remedium. Sanos vocat existentes in statu innocentiae, aegrotos vero genitos post peccatum. Ratione etiam duplici idipsum comprobo; tum quia in statu innocentiae duxit primus parens uxorem, non

HOMILIA II.

Matrimonium ex ea praecipue causa dissuadet, quod valde difficile sit, probam invenire uxorem; si tamen nubendum sit, mutus inter coniuges oportet vigeat amor, ut felix sit connubium, in eadem verba: Nuptiae factae sunt in Cana Galilaeae.

Quamvis non diffitear, bonum, ac laudabile esse matrimonium, Apostolo dicente (1. Cor. 13): Honorabile connubium, et thorus immaculatus; nemo tamen catholicus mihi inficiabitur, laudabilis esse non nubere, eodem Apostolo id attestante (1. Cor. 7): Bonum est homini, mulierem non tangere. Omissis autem permultis rationibus, quibus ad id suadendum uti potuissem, eam solum in medium producam, quam quidam philosophorum dixit; quia rara phoenix, mulier bona, cui consonat illud d. Hieronymi: Optima foemina, rarior est phoenix. Unde, qui nubet, si hanc phoenixem non inveniat, magno periculo se committit, ac ingenti illi malo se involvit, ne pro Sara Agarum, et pro Rachele Liam, et pro proba improbam ducat: nulla enim trauceior, et inhumanior bellua, quam mulier mala. Quid inter quadrupedia animalia leone saevius? sed nihil ad hanc; aut in serpentibus, quid dracone atrocius? sed hic quidem cum muliere mala, et linguosa conferti non potest: nam et leo, et draco in malo feriores sunt, ut Salomon dixit (Ecl. 25): Cohabitate leoni, et draconi melius est, quam cum muliere mala, et lingua. Et ne putes prophetam per ironiam hoc dixisse, ex ipsis rebus discere manifestus. Daniele in laeum leones reverit sust, iustum vero illum Nabothem, lezabeb interfecit. Coetus in ventre Ionam custodiivi; Dalila autem Sampsonem circumventum illecebris, raso etiam capite deformatum alienigenis tradidit. Dracones, et aspidēs Ioannem Baptistam in deserto viventem subdila virtute timerant; Herodias vero eidem caput abscedit. Heliam in monte corvi paverunt, et lezabeb post illam reddita per ipsum terris pluviae gratiam, eundem persequebatur: timuit Helias, et abiit in desertum, qui totius mundi statum, et coeli pluviam linguae potestatis portaverat, qui ignem et coelo eduxerat, qui mortuos suscitaverat, hic timuit mulierem. Non est quidem malitia super malitiam mulieris. Per mulierem Adamum satan in paradiso prostravit, et de paradiso exterminavit. Per mulierem militesimum David in homicidium Uriae armavit. Per mulierem sapientissimum Salomonem in praevicationis sacrilegium praecipitavit. Per mulierem, fortissimum Sampsonem ligavit, emeravit, excoecavit, et in manus hostium tradidit. Per mulierem castissimum Ioseph vinculis alligatum detrusit in carcerem. Per mulierem diluvium in totum orbem induxit, et vix septem annos propagando generi reliquit. Propter mulierem Madianitidem populum Isracliticum fornicatione, et idolatria commina-